

671.4203  
078  
14

傳

卷八

卷九

代州志

目錄

卷首

序

纂修姓氏

目錄

例言

疆域圖

城池圖

鄉都圖

渠道圖

邊關圖

卷一

地表

歷代封爵表

職官表

卷二

選舉表

進士附武科 舉人附武科  
貢 附薦辟仕籍武宦封蔭

卷三

地理志

沿革 疆域  
山川 附水利

晷度 古蹟

形勝 冢墓

風俗 物產

卷四

建置志

城池津梁

廨宇附園林驛遞鎮集

鄉都坊表

關隘

祠祀志

卷五

賦役志

戶口稅課

田賦倉儲

存留蠲緩

鹽引

學校志

附鄉飲酒禮會試賓興儀經費記

新生入學儀鄉書院

兵志

卷六

金石志

卷七

藝文志

經類 史類 子類  
集類 附錄書目

卷八

史傳

漢荀彧周黨譚賢殷謨王霸荀恁 北漢范隆  
前宋周續之 後魏李栗張黎段霸段榮 南齊

解叔謙

唐馬三寶

解琬

五代李嗣本郭崇韜史

建瑋張敬達

史匡翰扈彥珂

李承嗣史儼

宋代淵

真寶

金李師雄禹顯

明弋謙孫璽崔元楊恂張

鳳翼孫傳庭

國朝馮

芝

卷九

集傳

趙李左車 三國卑衍 後魏李熙王道雅閔弼  
唐元普茹義忠田穎渾侃 宋李光輔邵思何行

宣子子奇子霖

孫宏中金許蛻倪民望子仲儀張

韶李忠蘇吉李鵬

翼劉復子仲脩楊閏李挺趙泰

元楊友弟山楊仁風薩都拉

明楊節趙文博李斌

李舉劉繹孫紹祖間仲宇馮愈兄恩子明期從子賓

期吳璞吳嘉會趙立安嘉善張崇榮弟崇禮

國朝馮亨期子右京馮如京子雲驤雲驤郎居相子大士劉棟施幼秉弟陽林馮壅子元方允升光裕馮欽子祖悅馮鹽馮慶會弟慶長郎延助子長卿嘉卿馮祁弟鄺子廷丞馮郁馮鄧弟邵馮履豐弟履謙郎若伊郎錦駒弟錦駮錦驥崔五峰馮清聘馮佶馬鍾靈趙麟書王廷梅馮成子壽榕崔鼇峰郝應宿馮志沂馮福基賈秉衡

# 卷十

列傳

唐茹汝升元司良輔明高智甫王鎬孫鳳趙清崔震馬驥張檄馮盛謝璽孫紹先陳皋謨張定

王汝敬阿其麟謝蘭王夢弼吳嘉聰王大順陳玉馬珍楊鼎樞施重光喬應虎魏登高張三光王裴孫元震崔賢張本順閻士俊侯一位張令聞弟令名張令德劉靖民

國朝馮配京馮之京龐泉張綸世王應虎黃毓松張瑜

苑林帽黃秉銓陳錦華楊鎮馮鍾宿馮章宿黃泌賈成玉張祥鳳趙全璧劉廷璧高瑾張國維劉懷琮喬全吳傑劉芥邢國起董宗孔郭登仕李青登李廷仕

李蒞民祁丕昭李渭郎千里劉耀德張用章馮廷工  
馮廷重黃元吉賈仰奎陳錫睿馮士龍趙定王素孚  
李國興李凌漢喬磐王懷德張伯儒李春林郎廷傑  
馮爲憲馮立山張國華王敷錫馮偉馮梓郝相清李  
秀山柳得善周應瑞弟應聘馮德銘劉臻弟址墉王  
大鵬陳溶李招慶安清垣任汝舟任貴昌趙證從弟  
閻張受教郎振緒任廷獻柳森弟營瑞張恒趙光祖  
閻象恒楊萬魁弟聯魁劉錫齡弟錫祉郎汝琦子桂  
森郎汝瑀趙永年馮格馮士林王廷相劉華張映淮  
張萬庫劉永善郎輔庚陳克昌馮閏生尹秉政張用  
永姚震楊撫謙劉之  
望高佩紳李福將

列女傳

卷十一

宦績記

僑居記

使臣  
寓賢

客將

卷十二

大事記

雜記

代州志卷八

傳一

史傳

荀綏

荀綏太原廣武人以御見侍中爲校尉數從大將軍元封三

年爲左將軍擊朝鮮無功以捕樓船將軍坐法死

漢書本傳

元封二年漢使涉何誘諭右渠終不肯奉詔何去至界上臨

沮水使御刺殺送何者朝鮮裨王長上拜何爲遼東東部都

尉朝鮮怨何發兵攻殺何天子擊朝鮮其秋遣樓船將軍楊

僕從齊浮渤海兵五萬人左將軍荀綏出遼東討右渠右渠

發兵距險樓船將軍將齊兵七千人先至王險右渠城守窺

知樓船軍少卽出城擊樓船樓船軍敗散走將軍楊僕失軍

遁山中十餘日稍求收散卒復聚左將軍破沮水上軍乃前

至城下圍其西北樓船亦往會居城南右渠遂堅守城數月

代州志

專一

卷八

史傳

未能下。左將軍素侍中幸將燕代卒悍乘勝軍多驕樓船將  
齊卒入海固已多敗亡其先與右渠戰困辱亡卒卒皆恐將  
心慚其圍右渠常持和節左將軍急擊之朝鮮大臣乃陰間  
使人私約降樓船往來言尙未肯決左將軍數與樓船期戰  
樓船欲急就其約不會左將軍亦使人求間卻降下朝鮮朝  
鮮不肯心附樓船以故兩將不相能左將軍心意樓船前有  
失軍罪今與朝鮮私善而又不降疑其有反計未敢發天子  
使濟南太守公孫遂往有便宜得以從事遂至左將軍曰朝  
鮮當下久矣不下者有狀言樓船數期不會具以素所意告  
遂曰今如此不取恐爲大害非獨樓船又且與朝鮮共滅吾  
軍遂亦以爲然而以節召樓船將軍入左將軍營計事卽命  
左將軍麾下執捕樓船將軍并其軍以報天子天子誅遂左  
將軍已并兩軍卽急擊朝鮮元封三年夏尼谿相參乃使人  
殺朝鮮王右渠來降遂定朝鮮爲四郡左將軍徵至坐爭功  
相嫉乖計棄市樓船將軍當誅贖爲庶人

右西漢一人前志不載案明一統志荀彘列遼東名宦而  
邑乘顧佚其人可乎爰錄之而注以朝鮮傳其功過蓋不

相掩也。吳志從通志載吾邱壽王據本傳壽王趙人寰字記亦入之趙州於代無徵不能以廣武君例。

周黨 譚賢 殷謨

周黨字伯況太原廣武人也。家產千金。少孤爲宗人所養而遇之不以理。及長又不還其財。黨詣鄉縣訟。主乃歸之。旣而散與宗族。悉免遣奴婢。遂至長安遊學。初鄉佐嘗眾中辱黨。黨久懷之。後讀春秋聞復讎之義。便輟講而還。與鄉佐相聞。期剋鬪。日旣交刃而黨爲鄉佐所傷。困頓鄉佐服其義。輿歸養之。數日方蘇。旣悟而去。自此勅身脩志。州里稱其高。及王莽竊位。託疾杜門。自後賊暴從橫。殘滅郡縣。唯至廣武過城。

不入建武中徵爲議郎以病去職遂將妻子居澠池復被徵不得已乃著短布單衣縠皮綃頭待見尙書及光武引見伏而不謁自陳願守所志帝乃許焉博士范升奏毀黨曰臣聞堯不須許由巢父而建號天下周不待伯夷叔齊而王道以成伏見太原周黨東海王良山陽王成等蒙受厚恩使者三聘乃肯就車及陛見帝廷黨不以禮屈伏而不謁偃蹇驕悍同時俱逝黨等文不能演義武不能死君釣采華名庶幾三公之位臣願與坐雲臺之下考試圖國之道不如臣言伏虛妄之罪而敢私竊虛名誇上求高皆大不敬書奏天子以示公卿詔曰自古明王聖主必有不賓之士伯夷叔齊不食周

粟太原周黨不受朕祿亦各有志焉其賜帛四十匹黨遂隱  
居澠池著書上下篇而終邑人賢而祠之初黨與同郡譚賢  
伯升雁門殷謨君長俱守節不仕王莽世建武中徵並不到  
後漢書逸民傳 元和郡縣志周黨墓在祁縣東南一十四  
里 明湯賓尹周黨嚴光論漢光武應赤符起春陵不數載  
而噓炎劉之燼甫膺大寶下明詔安車元纁徵周黨嚴光詣  
闕親紉萬乘以禮下之論者謂兩處士直裘釣賤客耕野鄙  
人身處窮巷阨閭未談金版亦韜之略未親斬將擐旗之勞  
未樹攻城拓地之績倏加以徵聘惠以寵光使榮華殿陛立  
名當世豈被褐懷寶者耶抑以什巾襲席石者耶且帝果以  
天下厚故交如用南陽人之過計耶噫此光武所爲提綱絜  
領首矚大計而藉此兩人以磨礪一世之氣節而培植百年  
之命脈也蓋上表也下影也上聲也下響也表正則影隨聲  
出則響應上鼓則下答不鎔銖爽也故人心何常聽上陶甄  
耳風俗何常聽上轉移耳西漢不愛高爵厚祿以薌豷豪傑  
故士皆驚尊顯而委蛇變化陰陽人主以保寵榮甚且偽符  
命誦功德羽翼梟獍而不羞波流風靡罔克樹立不振刷挽

回之安所底止。光武懼焉。謂國家隆替其窾縻屬世風而世風汗隆其樞鍵又屬上人。所好尚徒整飭頽靡而漫無所旌異。徒晉陳功見能輩與剖符析圭則天下亦僅僅爭陳功見能以倣知遇而欲砥礪名節蟬翼富貴者道何由爲。是下蒲輪之聘搜巖穴之老降黃屋之尊禮不賓之士朝耕釣於草澤夕坐論於廊廡旦倚衡門而棲遲暮揖天子而抗志。豈獨隆此兩處士哉。又豈直以恩渥而私厚一布衣交哉。將使都人士士之待下風者懼然豔心蹶然企踵瞿然不式而顧化獎恬退之操而鳬趨蠅逐者將捫心退矣。顯修姱之行而蒲伏瓦全者將屈首下矣。褒高節獨行之士而俛仰遷移如脂如韋者將改絃易轍以向上意旨矣。竚先而厭樂和標直而厭足趨誠倡之也。故竟東漢朝罔不希光鶩影襲其香儀其羽依倚道藝以就其聲價者纍纍起世不貴結綬金馬之庭而貴側名道義之儔不畏王朝鉗灼之憲網而畏高賢月旦之清議迨其季世雖幼后握鬯巨奸綰樞而左窺右覘不敢竊移神器談者謂一絲垂九鼎則烈士扶持之功而光武褒嘉節義之明效也。第其重名之過不核中肩王良應對而姍於東海友人樊英就聘而壺山蒙其恥聲士率競詭激以博名高而顧廚俊及標榜成風扞文網以釀黨錮之禍干載於邑則始未嘗不匡世振俗而後陵夷衰微也噫士期自振拔耳

商俗波靡而伯夷之節不改晉室清談而下壺之忠自樹詎卑論儕俗與世浮沈必待上之鼓舞而後輾然思奮哉至若身際熙朝又不必拘守局曲避地獨竄彼無軌翼當世之實而長貧賤驕語富貴者又兩處士之差也

### 王霸

王霸字儒仲太原廣武人也少有清節及王莽篡位棄冠帶絕交宦建武中徵到尙書拜稱名不稱臣有司問故霸曰天子有所不臣諸侯有所不友司徒侯霸讓位於霸間陽毀之曰太原俗黨儒仲頗有其風遂止以病歸隱居守志茅屋蓬戶連徵不至以壽終

後漢書逸民傳長子殷中山太守

唐書宰相世系表霸食邑祁縣其後爲烏

丸王氏之祖次子咸九世孫澤字季道雁門太守生昶爲太原四房王氏之祖

### 荀恁

荀恁字君大少脩清節資貲千萬父越卒悉散與九族隱居  
山澤以求厥志王莽末匈奴寇其本縣廣武聞恁名節相約  
不入荀氏閭光武徵以病不至永平初東平王蒼爲驃騎將  
軍開東閣延賢俊辟而應焉及後朝會顯宗戲之曰先帝徵  
君不至驃騎辟君而來何也對曰先帝秉德以惠下故臣可  
得不來驃騎執法以檢下故臣不敢不至後月餘罷歸卒於  
家

後漢書周黃徐  
姜申屠列傳序

右東漢三人通志並載隱逸而益以周黨傳中之雁門殷  
謨爲四人案王莽時雁門郡猶治善無縣莽特改善無爲  
陰館耳則謨當爲朔平人而與黨同郡之譚賢又未必其

非廣武人仍依范史原文並附見黨傳

范隆

范隆字元嵩雁門人父方魏雁門太守隆在孕十五月生而父亡年四歲又喪母哀號之聲感動行路單孤無總服之親疎族范廣愍而養之迎歸教書爲立祠堂隆好學修謹奉廣如父博通經籍無所不覽著春秋三傳撰三禮吉凶宗紀甚有條義惠帝時天下將亂隆隱迹不應州郡之命晝勤稼穡夜誦書典頗習祕歷陰陽之學知并州將有氣祲之祥故彌不復出仕與上黨朱紀友善嘗共紀遊山見一父老於窮澗之濱父老曰二公何爲在此隆等拜之仰視則不見後與紀